

ali, eo quod se ipsum paulatim interimit, uel saltem exponit se multis periculis peccandi, cerebrum mancum reddendo, qui enim sic inebriari assuescunt, in multa mala incidunt.

Queritur, si dum ebrius est, faciat aliquod mortale, non cognoscens, quid faciat, imputatur ne sibi? Dicit D. Thom. si ebrietas est mortaliter culpabilis, quid quid facit in ea, sibi imputatur, est enim tunc opus uoluntarium, in sua causa, sin autem ebrietas est sine culpa, uel saltem est uenialis, uenialiter delinquit.

An quando ebrietas uoluntaria erit sine peccato? Dicitur, si ebrietas pro uocetur consilio medici, propter sanitatem acquirendam, tunc non peccaret, intellige, si alia uia sanitas recuperari non posset. medico id afferente, alias minime: & sic conciliabitis doctores, qui de hoc uidentur contrarij.

An peccat mortaliter procurans ebrietatem proximo, siue ille consentiat, siue non; eum decipiendo, & aliquid in uino apponendo, quod inebriare potest? Dicitur, quod sic, siue sequatur ebrietas, siue non, quia consentit in notabile damnum proximi.

Et quamuis hoc Gula peccatum, ex parte materiae, non sit nimis graue: eo quod annumeratur, inter peccata corporalia, quae sunt minus grauius, quam peccata spiritalia, prout est Superbia, Inuidia, Ira, & similia, & inter corporalia, sit minus graue, cum non sit directè contra Charitatem proximi, est tamen graue, & periculosum, ex parte effectuum, quos producit, nam ex immoderata delectatione, quae in cibo, & potu inuenitur, sequuntur hae filiae, scilicet immunditia, Hebetudo sensus, Inepta latitia, Multiloquium, & scurrilitas. Quae quidem possunt considerari, uel ex parte corporis, uel ex parte animae: ex parte corporis, in quantum ex nimia sumptione cibi, sequitur quaedam immunditia, uel respectu quarumcunque superfluitatum; unde Gulosi sunt immundi, sicut Porci: uel specialiter respectu seminis emissionis: hinc sequuntur pollutiones, uel nocturnae, quae quidem quando sunt peccata dictum est supra, uel uoluntariae. Unde sequitur incontinentia, saepe enim Gulosi sunt Luxuriosi, quos Paulus uocat immundos.

Ex parte animae, quae aggrauatur, ex immoderata cibi sumptione, & uini potatione, sequitur. Hebetudo sensus, iudicium rationis impediens, propter fumositates, ex stomacho repleto, ascendentes ad cerebrum. Unde Gulosi sunt inepti mente. Hoc de se est ueniale peccatum, potest esse mortale, ratione alicuius circumstantiae mortalis, ex ea prouentis; dum scilicet mens, ita euanescit, ut in multis incidat errores, non ualens suam discutere conscientiam, circa ea, ad quae ex praeepto obligatur. Secundo sequitur inepta latitia; saepe namque Gulosi, dum uino pleni sunt, ex quadam animi hilaritate, & immoderata letitia, faciunt quosdam actus, & risus incompósitos, miscentur obsequis cantilenis: quae ex genere sunt uenialia: possunt esse mortalia, ratione finis; dum per ea aliquam personam ad peccandum inducere intendunt. Tertio sequitur Multiloquium, id est superfluitas quaedam, in loquendo; quae intantum potest esse mortale, in quantum in multis uerbis proximus notabiliter offenditur, uel ita irreuerenter proferuntur, & in eis delectatur, ut esset paratus potius mortaliter delinquere, quam ab eis abstinere: quod est in talibus ultimum finem ponere: ut supra in definitione peccati diximus. Ultimo sequitur scurrilitas: id est quaedam iucunditas, in actibus exterioribus, quos non ualet cohibere Gulosis, propter hilaritatem animi, ex uino, & defectu rationis: quae gesta, & acta, si fiant solum, ut homo delectetur in illis, aut ut alios delectet, risus gratia, & sine mala intentione, sunt peccata uenialia, constat enim hoc modo non esse contra bonum diuinum, nec proximi, nec illius, qui talia committit, quia ad delectationem solum ordinatur:

E 4 sunt

70

Dubium.

Peccata, quae proueniunt ex ebrietate, an imputentur

71

Dubium.

Ebrietas uoluntaria, quando non erit peccatum.

72

Dubium

Ebrietas praeuocata proximo, est mortale.

72

Gula de se non est graue peccatum, sed periculosa.

Filia gula. Immunditia.

Gulosi immundi.

Incontinentia.

Gulosi luxuriosi.

Sensus haebetudo.

Gulosi inepti mente.

Inepta latitia.

Gulosi histores. Incōpositi.

Multiloquium.

Gulosi uerbosi.

Scurrilitas

Quando sunt mortalia.